

欽定戶部漕運全書

欽定戶部漕運全書卷四十二目錄

漕運河道

河閘禁令

修建閘壩

河閘禁令

一漕船緯夫中途患病沿河閘官及管河主簿
巡檢驗看明白撥夫送至普濟堂如隔普濟堂
寫遠者暫送附近菴觀官給口糧調養病痊令
回本籍或病重難救先問姓名死後殮埋義塚

乾隆
二年

一東省運河各閘沿河鎮道文武員弁催僨漕
船如遇春夏水微之時務遵漕規啟閉如上下
會牌已到而閘官尙未啟板一面暫令開閘放

船詳報總河總漕查叅如會牌未到不得逼勒
啟板其會牌亦不得稽遲如河水充足相機啟
閉以速漕運總不得雨閘齊開過洩水勢

乾隆二年

一裏河五閘向於漕務竣後開閘放水挖修堤
岸乾隆二年奏准於每年霜降後啟板放水各
閘板畱四五塊俾小民得拉拽冰牀便於行旅
一五閘運河乾隆四年奏准於春初令慶豐等
閘閘官於沿河一帶堤旁率令閘夫栽種柳樹
以固堤根

一江都三汊河爲瓜儀二河口門而瓜洲地勢
卑下淮水分入瓜河之數常多分入儀河之數
常少以致儀河水緩沙停不能刷深乾隆六年
奏准將三汊河入瓜洲舊口門閘壩堵閉於洋
子橋營房迤下另挑越河以減淮水直入瓜河
分數俾儀河得以紓深濟運又將瓜洲廣惠閘
上之舊越河堵閉另於閘下開挑越河以俾水
勢均平

一大通等閘每逢秋令水旺之際俱各嚴閉蓄

水以濟漕運

乾隆十四年

一東省運河修墊繹路整理閘座加修民埝挑
淤淤淺乾隆二十二年經總漕楊錫紱奏准

一豫東二省黃河灘地民間租種恐水漫被淹
增築私埝河身漸逼一遇汎水漲發易於衝潰
地方官嚴行查禁不許再行培築以礙河防

乾隆

二十
三年

一乾隆二十三年總督尹繼善奏請重運過後
將駱馬湖尾閘早行開放使湖面騰空以待汎

水奉

旨准行并令勒石湖濱永遠遵守

一內河撥運倉糧之際向例不准商船行運乾隆二十五年奏准如有米糧雜貨裝載進城者仍聽其用小船撥運分岸行走其有攬越漕運大船阻礙緯道者聽沿途催漕官兵管束

一高郵州等處減水閘壩概行堵塞恐妨運河

仍照舊於四六兩月隨時啟閉

乾隆二十八年

一駱馬湖之王家溝柳園頭兩閘向例必俟江

廣船到始行開放乾隆三十年奏准嗣後水小之年江浙船至則開柳園頭閘江廣船至則開王家溝閘以濟運行如江浙船至河水足用卽柳園頭閘亦可毋庸開放倘運河水小卽王家溝閘亦可並開毋庸過於拘泥二閘未經設有閘官嗣後應將閘務卽令宿遷縣縣丞經營每年重運經臨常川住閘看守仍令該管廳營隨時酌量需水尺寸以定啟板多少繩索器具交該縣丞收管以專責成

一高平閘關全河水勢若不定以故閉之期恐
重運遄行衛河需水有費周章乾隆三十九年
奏准於每年四月初五日起五月十五日止將
高平閘下板堵閉俾洹河全流歸衛濟運過此
悉聽民便於漕運民田均有裨益

一山東泇河廳所管河道與江境接壤爲入東
門戶境內有微山一湖宣節機宜最爲緊要嘉
慶十四年專管同知李大業於所管微山湖存
水七尺二寸計可放之水僅存二寸有餘該廳

未經預爲籌及先行移知該縣備辦撥船毫無設施以致每一幫入境行走兩三月之久由河東河道總督奏奉

旨將玩視漕運之泇河同知李大業革職仍畱於該省幫辦湖工及應用撥船等事宜如漕船無悞再由該督奏明准其開復欽此

一宿遷縣境內之駱馬湖上承東省蒙沂各山泉之水每年秋冬儲蓄次年由沿湖之王柳二閘及駐車頭竹簍壩口門啟放入運僅能宣濟

宿遷以下運河其邵汎上游卽不能得其利定制存水至一丈九尺以外卽將該湖之尾閘五壩啟放由六塘河歸海以洩盛漲乾隆五十年大學士公阿桂等奏准湖內灘地恐愚民開墾有盜決隄堰之事嚴行禁止耕種不准藉名陞科侵佔嘉慶十五年漕運總督許兆椿奏明駱馬湖濟運引渠日漸淤高欽奉

上諭著該河督會同該督撫派委明幹大員妥爲清理其墾種已久無礙河渠者可仍循其舊如有私墾湖

灘致妨水道者嚴行禁止等因欽此

一嘉慶二十二年經御史盧浙奏准江南山東
運河一帶閘壩重疊漕船經行提溜打閘必須
添僱人夫責成閘官專司其事所有漕委員弁
一概不許干預如閘官有浮設官纜多索夫價
者查出嚴參

修建閘壩

一八閘之內得勝閘至張莊閘係十二里直河水難停蓄易致淺阻雍正二年議准於六里石地方草壩處所建石閘一座此閘頂矮六尺水小則收蓄大則聽其漫頂順流

一雍正二年於邳州黃林莊以至三汊河建立河消河定河成三閘蓄水濟運

一汶上縣新河頭係馬踏湖入河濟運之處雍正三年題准將土壩改建石閘啟閉

一河南漕糧自衛輝北行經汲潞內黃湯陰等處溜沙石岡不能建閘蓄水向遇重運入境或派人夫絳輓或用小船撥載雍正二年題准令地方官相度地宜水勢於淺澀處所每年建築草壩束水浮舟其餘淤淺膠泥並設淺夫臨期刨挖及時疏濬

一宿遷之竹絡壩外臨黃河內臨運河係康熙二十八年挑濬中河告成之後河臣王新命請建竹絡壩一道以備黃湖漲溢清水弱則引黃

以濟不足黃水盛則分黃以洩有餘康熙三
五年黃水盛漲將壩衝倒題請堵築未竣康熙
三十九年河臣張鵬翮復請堵築以禦黃流因
旋閉旋衝亦未竣事嗣於雍正初年黃河大溜
北徙刷走外灘直逼竹絡壩口門河臣齊蘇勒
於竹絡壩外建築箝口汰黃等壩挑溜南趨從
倒勾河引黃入竹絡壩下達運河徐州兩幫壑
重漕船雖均由此經行然汎流急湍盛漲則嚙
缺隄岸流緩則淤澱河身乾隆六年倒勾河身

漸淤外灘日塌河臣高斌在於竹絡壩支河臨黃入運之處建築臨黃臨運二壩相時啟閉徐屬漕船不復從此經行乾隆十四年督臣黃廷桂以竹絡壩甚近黃河高於運河五尺有餘大汎陡漲奔騰而入轉有衝擊運河之患請將竹絡壩外所挑支河堅固堵塞徐屬兩幫漕船由楊家莊轉口入運此壩若常時啟放則大汎之時黃水奔騰而入甚有妨於運道未便常時開放設遇駱馬湖盛漲水面高於黃河應暫時啟

放以資分洩或遇運河水勢過小黃河又非盛漲之時應暫行開壩設法引黃濟運

一淮揚運河自清口至瓜洲計程三百餘里關係漕運民田最爲緊要祇緣日久沙淤河底高淺乾隆元年奏准大加挑濬定以水深一丈五尺爲準又因洪湖水高運河水下恐致異漲難禦議於運口之天妃正越兩閘之下各建草壩三座草壩之下再建正石閘二座越河石閘二座於所建二閘尾各建草壩三座關鎖水勢以

禦洪湖之異漲以減運河之水勢所建閘壩以時啟閉以濟漕運其山陽盱眙尾閘之天然南北二壩非異漲不許輕開

一清口內向祇有天妃正越二閘乾隆六年總河高斌奏准於天妃正越兩閘之下各建草壩三座草壩之下再建正石閘二座越河石閘二座於所建二閘尾各建草壩三座

一安定門外東角樓迴龍閘欽奉

諭旨拆去其堤岸危險處所須鐵入椿葦加高培厚以

保無虞改築事宜仍歸坐糧廳管理

乾隆十七年

一沂河之水正流直達駱馬湖旁流由蘆口壩
迤下分注沙家徐塘二口入運從前口門寬至
一百餘丈邳境民田多被淹浸乾隆二十年將
石壩裹頭接長畱口門三十丈壩底填以碎石
於是沂水多半歸湖濟運者少乾隆三十年奏
准嗣後運河水小之年應將壩底碎石刨開五
丈并於壩南河中修做草壩攔截沂河之水悉
由沙家徐塘二口濟運并將此壩責成運河廳

營修守地方官一同照料

一裏河減水等閘如有損壞汕刷俱動茶果銀
兩修理

一乾隆二十二年欽奉

諭旨以運河連年漫溢

欽派大員會同河臣督理挑濬經總河張師載等會奏
山東入閘廟添建滾水壩並將徒駭河頭之龍
灣馬煩河頭之烈灣老黃河頭之四女寺各滾
壩葺低七八以導其北注開伊家河以暢其南

流俾運河水勢寸長寸消自無異漲之虞

一乾隆二十三年總河張師載奏准山東運河
湖口閘迤北添建滾水石壩一座水大則漫壩
宣洩水小則收蓄濟運

一微山湖湖口閘迤北乾隆二十三年奏准添
建滾水壩口門寬三十丈其壩脊照湖口閘金
門水深一丈二尺五寸爲度水大則漫壩宣洩
水小則收蓄濟運二十三年又奏明將壩脊落
低二尺五寸以湖口閘水深一丈爲度

一山東彭口之下蔣家集地方乾隆二十三年
奏准添建石閘一座其該管閘官卽以夏鎮閘
官改爲騰沛閘閘官將彭口新閘歸併管理

一山東八里廟地方乾隆二十三年奏准添建
滾水石壩以洩汶河異漲

一山東彭口地方乾隆二十三年奏准建閘一
座歸夏鎮閘官兼管閘夫二十名於六里石越
河撥用

一乾隆二十四年奏准於張秋鎮以南之八里

廟建滾水石壩以洩汶河異漲

一乾隆二十五年總河張師載奏准將蜀山湖金線閘移上十餘里建在柳林閘之北

一萬年閘閘底過高金門不正水勢險峻船隻綽輓動多損壞乾隆二十八年奏准拆修將閘底落低金門取正比舊加寬

一韓莊湖口閘以北乾隆二十九年奏准添建石壩一座名曰湖口雙閘以暢洩微山湖水

一微山湖蓄水一丈則五六月間八閘底水祇

有二尺六七寸重運幫船難以遄行乾隆三十年奏准將湖口閘以北之滾壩內磯心每孔安砌石槽設立板片如水小之年加板攔束多收一尺設遇陰雨連綿水勢日增卽將板片起除俾得及時暢洩至八閘凡有新經淤墊沙泥儘力估挑務至舊時河底而止至於各處支河出水之口小梁山內華山蘭家山伊家河等處俱低於滾壩所有各處水口應悉堵塞一俟應行宣洩之時立行啟閉其添設滾壩石槽閘板及

疏濬八閘所需銀兩卽在運河節省項下通融辦理毋庸另議支給

一豫省曲家樓漫水由昭陽南陽等湖之西南注以致湖中清水湧高濟寧以南一帶臨湖堤堰多被淹沒乾隆四十七年正月河東總河韓鐸查奏堤工繚路久被浸泡兼之風浪鼓盪恐難一律完整而重運入境爲時不遠自應預爲籌辦查東岸向不行繚應俟水勢稍涸再行修理其西岸繚道除已露出可以通繚者量爲墊

平其雖已顯露出水僅數寸及尺許並窄狹不
便行走者亦應量加鑲墊以資緯輓至尙未顯
露段落擇其水淺之處酌用草土墊築高出水
面二三尺旁用掃由攔護其水深斷缺之處測
量寬窄淺深或鍍椿架木搭橋或用船隻擺緯
務令糧船通行無稍遲悞

一乾隆四十九年欽奉

上諭山東運河官民堤埝土石各工一律興修共用銀
五十三萬九千四百餘兩今因例價不敷加用津貼

銀五十三萬餘兩據該撫明興奏請分年捐廉歸款
無庸按例攤徵等語貴運兩河間遇緊要工程採辦
物料雇募人夫官發例價本屬優厚卽或因物料昂
貴限期稍緊一時難以取給於例價之外復有津貼
不過加至十分之二三至多亦不過十分之五儘足
敷用況運河堤岸工程尤非若豫省之堵築壩工可
比加價銀兩何以較正價增至一倍恐其中不無藉
端分潤之弊但朕軫念羣黎如河南江南等省一切
河務關係民生者不惜數千百萬帑金興工修築以

期永資捍衛又何靳此數十萬津貼銀兩致官民竭蹶耶所有此次東省運河津貼銀五十三萬餘兩加恩准其一體作正開銷以示朕惠愛黎元有加無已之至意欽此

一乾隆五十年欽奉

上諭今年漕船遲逾因薩載李奉翰於挑濬運中河時不早建閘座以致水無攔蓄宣洩過多乃伊等覆奏摺內尚稱漕船渡黃較上年遲早相倣并稱八閘不能逐日啟放重運不能迅速進行似欲諉過於上游

而於不預建閘座之處並無一語引咎傳旨嚴行申
飭至漕運爲天庾正供所關匪細况京師衆人所用
南貨俱附糧艘裝載帶京總以催令抵通多到一幫
於國計民生均得其益薩載李奉翰當上緊撈挖催
賃毓奇目擊情形徒急無益惟當會同悉心籌畫上
緊催償並著蘭第錫明興一體督飭沿河員弁迅速
待行即使全漕不能盡數抵通亦必須催令一半到
通起卸或得十分之三四况山東安徽淮北各省截
畱漕糧已有數十萬石漕船較少河道不致擁擠該

督等務須遵照所降諭旨妥速辦理欽此旋據兩江
總督薩載等覆奏漕船渡黃以後邠宿運河水
淺行走維艱其致淺之由因添建閘座未能及
早完工藉資束水之故所用添建兩閘連開挑
月河原估工料銀兩於薩載李奉翰名下各賠
銀二萬兩其餘一萬七百二十兩零著落督辦
開工之淮徐道劉錫嘏分賠

一乾隆五十年奉

上諭薩載李奉翰於清口東西壩不能及早收束以致

運道淺阻已降旨將薩載李奉翰交部嚴加議處第
部議不過革任現在任使乏人亦不卽予罷斥仍可
從寬畱任伊等益無顧忌不知儆戒薩載李奉翰竟
毋庸交部議處著照從前內外大臣降職之例俱降
爲三品頂帶以示懲儆而觀後效閔鶚元於無錫一
帶乾涸已久並未專摺具奏直至事難掩飾始於陳
奏事件摺內帶敘數語且所稱農民昕夕車戽以致
淺阻亦屬非是該處農田被旱厚水灌溉原所不禁
但灌田固所以爲民濟運亦關係緊要地方官不可

不爲之酌立限制該撫身任封圻竟視同膜外亦屬咎無可諉閔鶚元著交部議處欽此

一嘉慶二年通會河水勢驟長平下閘汕刷漫口欽奉

上諭准其動項興修事竣後照例分別應賠應銷至汕刷漫口因雨後水漲尙非啟板不時所致所有該道等處分著加恩寬免欽此

一江南境內運河自黃林莊交界至楊莊運口計程四百餘里內宿遷縣境之皂河以下堤岸

本高雖漫水下注而分洩之路較多漕船易於
緯輓惟自邳州境至貓兒窩以上向無緯堤每
逢伏秋水漲船隻經行河溢莫辨應創築緯堤
收束水勢以爲久遠之計其水口寬深之處撥
船濟渡以通緯輓並於邵家水口至何家口一
帶河流散漫之處築做草壩約攔水勢逼刷河
淤重運北上時即可藉通緯輓

嘉慶
二年

一揚州儀徵縣境內通濟羅泗二閘年久塌損
照舊估修至興修時鹽漕船隻暫由瓜洲行走

不致阻礙停滯

嘉慶四年

一通惠河爲運漕入京要道所有減水閘一座

及滾水壩一座並平下閘普濟閘如有坍塌殘

壞准其動支通濟庫雜稅銀兩修理

嘉慶二年五年六年

一嘉慶六年通惠河水勢驟長平上平下普濟

等閘暨王相公莊堤岸漫口沖壞重船所有漂

沒虧折米石倉場奏明責令該船經紀賠補損

壞船隻責令賠修漫溢堤岸油刷數處動項搶

修河工疎防各員交部分別察議等因奉

旨此項沈失米石係因連呂驟雨河水陡長船身衝撞
閘座猝不及防尙非疏玩所致所有未經搶獲米二
百一十八石著加恩免其賠補餘依議欽此

一江境邳宿運河上承東省八閘地勢建瓴河
流易於洩瀉乾隆五十年於河清河定河成三
閘之外添建利運亨濟二閘復於乾隆五十二
年添建匯澤潞流二閘節節擎束利運亨濟兩
閘係另挑新河建閘卽以舊河爲越河匯澤潞
流兩閘先挑越河行船就正河建閘亨濟一閘

地勢平衍未能得力不久旋即廢棄嗣因豐工
曹工節次漫水下注各閘閘門淤墊嘉慶八年
先將匯澤閘挑通嘉慶十年復將淤流閘修復
加高嘉慶十五年奏明將利運閘挑復閘塘河
身大加挑展寬深並築壩堵截越河

一江南邳宿運河路長閘少不能蓄水每年糧
艘經過節節阻淺動須起撥嘉慶十八年

特降諭旨交兩江總督等察看情形或添建二閘或添
建四閘俾資擎蓄嗣據漕督奏准於匯澤閘上

下貓兒窩密灣一帶地方擇其扼要處所添建

二聞以利漕運

一嘉慶二十年奉

上諭給事中卓秉恬陳奏河湖事宜一摺其所稱攔河
大壩宜早堵築啟放湖水宜加撙節並禁啟通漕添
補閘板各條內有李鴻賓已經試辦於前者著河督
將所奏各條詳悉酌覈如果於湖河漕運實有神益
會同漕運總督妥協辦理該給事中原摺著鈔寄閱
看將此諭令知之欽此嗣據河東河道總督將陳奏

事宜逐條酌覈開列於後

一攔河大壩宜歲加修築查微山等湖水少之年自須於夏秋山水漲發時收水入湖方能暢足應於重運甫竣卽趕築攔河大壩豫籌渚蓄若重運全竣後湖水漸符定誌或所短有限計各單開水口所進之水可期收足似宜斟酌變通從緩堵辦

一湖水毋得任意啟放向例啟放湖口壩暢放三晝夜鋪灌邳宿長沙之後俟幫船到境再量


啟湖口閘水板接濟頭進放水二尺四寸二進
放水三尺二寸三進放水不得過四尺本屬多
寡適中宣節兼顧方能遞年無虧自應酌定宣
放湖水尺寸章程永行遵辦

一禁啟通漕以節湖水查各處閘座專藉收水
入湖卽因山水漲發水勢猛驟恐致閘板鼓裂
祇須酌啟水面上板數層以資分洩仍留下半
板塊不使全往南注方爲妥善自應永禁通漕
以裕蓄蓄

一嚴密閘板以便節宣查閘座板塊攔蓄水勢
應專責運河道於每年冬春二季重運未入境
前空運出境後督令廳員一律添補齊全毋致
短缺

以上四條詳悉酌覈等因奉

硃批依議速行欽此



欽定戶部漕運全書卷四十三目錄

漕運河道

衛河挑濬

衛河挑濬

按衛河一切開堰蓄洩皆通灌田以及東壩疏濬原委情形因時調劑俱有酌定章程謹將歷年奏議各條挨順年月錄敘全載以備稽考

一衛河之水來自丹河洹河及捌刀泉等處建閘開渠築堰居民藉以溉田漕船賴以濟運順治五年河臣楊方興題定每年二三月間聽民用水四月以後卽將閘板盡啟封貯渠口堵塞俟運務完日聽民自便康熙二十三年河臣靳輔以天久亢旱居民私洩灌田下注甚少請令

該管官速啟閘板盡堵渠口不致旁洩以濟漕
運奉

旨漕運民田均關緊要何以使衛水可濟漕運兼不悞
民田灌溉著督撫會同確議具奏欽此嗣據覆奏河
內輝安三縣農務在三四月糧船抵臨約在五
月請每年自五月初一日起將閘板封貯盡啟
渠口毋致旁洩俟漕船過竣再行分洩以資民
田康熙二十九年河臣王新命親往查勘至河
內縣細閱丹河發源太行山至丹河口分渠九

道大丹一河直歸懷沁河其餘六渠民間引水
種竹溉地約計一千四百餘頃祇小丹河上秦
河二渠灌漑所餘之水通衛諭令所在士民於
每歲三月初用竹絡裝石橫塞入河渠使水歸
小丹河入衛濟漕蓄涓涓之水溉地至五月盡
重通過完則開入河渠用竹絡裝石塞小丹河
口以防山水漫溢士民咸爲稱便其小丹河若
有淺阻責令印河官量爲疏浚至輝縣拗刀泉
在縣西北五里蘇門山下約二十餘畝泉珠上

湧難以數計民間設立五閘蓄水灌田約三百頃往例於五月初一日封板放水濟運惟是五月正農人需水之時閉板始可通渠灌田啟板則各渠立涸應亦用竹絡量渠口之高下堵塞使渠水常盈而餘流濟運其萬金渠出自彰德府安陽縣西南六十里善村山下約二十餘里至高平村昔人建閘開渠引水溉田地百頃仍由彰德府東北五里許入安陽河其閘門高不過三尺寬不過一丈一啟板渠卽斷流亦應照

五閘之法用竹絡裝石堵塞再令重運俱由中
河北上較昔甚早五月封板之議應行停止部
議行令會同河南巡撫作速詳確定議具題嗣
經河南巡撫兼河道總督王新命題准丹河之
源發自晉省高平界穿太行直入沁河合流而
入黃河此河源與漕運無涉亦無大小丹河之
名後因河之東西兩岸百姓見此洪流可以引
灌田地乃開渠引水灌田澆竹除灌田小渠之
外又開大渠一道由河內武陟修武獲嘉等縣

直達衛河歸於臨清運河濟漕始有大丹河小丹河之名也前議每歲三月初用竹絡裝石橫塞入河渠使水歸小丹河入衛以濟漕畱涓涓之水以溉地此議誠爲可行但雨澤沾足河流充溢漕運民田均不恃此水如遇天道亢旱漕運民田皆需此水似此涓涓細流渠深田高焉能灌溉查現今重運不由黃河俱由中河北上較昔甚早如雨水勻足之時照河臣所議用竹絡裝石塞口之法濟運灌田倘遇亢旱之時請

於每年三月初一日起至五月十五日止令其
三日放水濟漕一日下板塞口灌田遇而復始
至五月十五日以後聽民便用其武陟修武獲
嘉各縣境內小丹河經由之處百姓田地俱望
引水灌漑亦應用竹絡裝石塞口之法如遇亢
旱並照三日濟運一日灌田之例而行若中有
淺阻之處責令印河各官量爲挑濬再查衛輝
府屬輝縣掬刀泉亦應照河臣所議用竹絡裝
石量渠口高下堵塞使泉水直流不竭以濟漕

運所餘之水得以灌溉民田至彰德府安陽縣
萬金渠乃係引洹河之水而灌民田者該縣西
南東三面地畝資其灌溉故名其渠曰萬金此
渠水自新曲溝舊曲溝舊北渠舊南渠永河集
渠等處用水各村庄灌田之後仍由縣東北五
里許歸入安陽洹河暢流入衛以濟漕運亦應
照河臣所議用竹絡裝石塞閘通渠以便民漕
雍正二年副總河嵇曾筠奏小丹河上自辛勾
口至河內縣清化鎮二十里內有水口二十餘

處向係竹絡裝石阻截灌園畱涓涓之水以濟
運輝縣捌刀泉亦設有仁義禮智信五閘經前
河臣王新命題明三日放水濟漕一日塞口灌
田其安陽縣之萬金渠及洹河昔人建閘開渠
引水灌地亦照官三民一之法通漕便民向有
成例但日久弊生每有守口之夫夥同堰長奸
民違禁賣水以致運河淺涇應請於回空赴兌
漕運備行之期嚴飭各該管縣丞主簿親至水
口秉公啟閉將水勢情形五日一報仍嚴責管

河同知通判往來督理稽查如有淤塞會同印
官不時疏濬如有通同賣水阻運情弊嚴加治
罪部議覆准雍正三年內閣學士何國宗奏豫
省衛河自百泉而下歷仁義禮智信五閘遇水
旁注愚民不無截流盜水之弊請於泉池南口
建石堰一道開三口門分爲三渠以下五閘盡
行拆去取挖河之土建築小堤使無旁洩東西
各開一渠內照舊各建五閘分灌民田小丹河
口東一里開一水塘建石閘三座分爲三渠就

小丹河身爲渠東西各開一渠爲民渠需民田七十九畝二分向民價買挑挖洹河舊有石壩兩頭皆已湮廢民間自築土壩過水灌田請將舊石壩拆去十五丈畱五丈爲挑水壩以上三河每河各設閘夫八名責成管河道同知通判縣丞主簿等官不時稽查如有盜塞官渠壅水自利者以偷盜倉庫錢糧例治罪河官通同作弊者以監守自盜例治罪印官以失察例治罪至於諸河泉各開深廣使其入衛通流再小丹

河自清化鎮以上除舊河身量開寬二尺挑深三尺清化鎮以下淺隘之處連舊河身面開寬三丈五尺底開寬一丈深一丈取挑河之土建築小堤使無旁洩一律深通豫省漕糧冬兌冬開正值水涸之際不免淺阻應仍照舊例沿途建立草壩蓄水濟運遇有流沙停淤照常挑挖深通奉

旨何國宗奏運河情形甚爲明晰但督理工程委之地方官恐其因循遲悞若特差官員前往又恐呼應不

靈且不得其人反滋煩擾朕意欲將沿河有應修工程之州縣俱著揀選賢能之員補用果能實心任事朕自加恩議敘如此於地方工程均有裨益著九卿速議具奏欽此九卿遵

旨議覆令總河副總河河南巡撫轉飭諸練河務之員逐一查明妥議務於河道民生兩有裨益並將應建應築草壩工料銀兩據實確估造冊具題到日再議至奏摺內稱盜塞官渠壅水自利者以偷盜倉庫錢糧例治罪河官通同作弊者以

監守自盜例治罪印官以失察例治罪但偷盜
倉庫錢糧及監守自盜係按錢糧多寡計賊論
罪今水之多寡難以覈定不便照偷盜倉庫錢
糧及監守自盜例治罪查律內故決盜決山東
江南等處漕河爲首之人發附近衛所充軍其
開官人等盜泄水利串同取財犯該徒罪以上
照前問遣嗣後倘有盜水官渠壅水自利及河
官通同作弊者俱照此例治罪印官照失察例
議處雍正三年部議覆准河南漕糧自衛輝北

行經汲濬內黃湯陰等處溜沙石岡不能建閘
蓄水向遇重運入境或派人夫緯輓或拘小船
撥運嗣後應令地方官相度地宜水勢於淺澀
處所每年建築草壩蓄水浮舟其餘淤淺膠泥
並設淺夫臨期刨挖及時疏濬雍正四年內閣
學士何國宗等備陳豫省河道奉

旨著九卿會議具奏河圖併發其河南小丹河一件何
國宗等與田文鏡嵇曾筠兩議具奏何國宗等乃一
已之見田文鏡嵇曾筠身在地方所見自然明確著

照田文鏡嵇曾筠所議行欽此九卿議覆內閣學士
何國宗等奏稱河南百泉洹河丹河之水小民
之資其利者已非一日每三日濟運一日灌田
之舊制實係有名無實查百泉之水原議分作
三渠中爲官渠東西各開一渠爲民渠東口門
寬四尺四寸西口門寬三尺六寸今議將東民
渠口門加寬一尺一寸西民渠口門加寬九寸
則小民灌漑有資而亦無損於漕運再查洹河
萬金渠口外有石壩一道上年水勢泛溢祇露

壩頂二十丈故臣等議將石壩拆去十五丈留
五丈迎水入渠今水消落壩南一帶淤成沙灘
灘之東南有石橋一座請將東頭第十洞處許
民自架石子壩北接沙灘沙灘之東南開小渠
一道引水入渠其西三十三洞盡行疏濬則石
壩毋庸再拆而洹河之水自可一分灌田三分
濟運應如所議行令副總河嵇曾筠河撫田文
鏡作速興修又閣學何國宗等奏稱查小丹河
之水直注大丹河入沁斗門在山麓之旁地方

高阜每年作壩方能引水入閘且斗門高一丈二尺現在水深一尺七寸有過水一道皆用石壘砌名爲斗門實同涵洞又設重板添設閘夫以司啟閉今細心籌畫原議斗門加寬一丈六尺下分三渠之處尙屬利漕便民相應仍照原議又據副總河嵇曾筠奏稱小丹河面寬三丈七尺其石斗門寬一丈零四寸誠恐山水暴漲進水過多今若再拆造加寬不免水勢過大一當大雨驟降之時山水建瓴直下一時洩瀉不

及非惟清化鎮一帶盡爲巨浸而河內修武以下均不免水患今查小丹河之水有秦渠一道小丹河之下有董下渠一道議將秦渠口門量爲開寬使小丹河內東渠七水口之田俱由秦渠分水灌溉其董下渠口門亦量爲開寬再於迤南開挖新渠二百零七丈以接前渠使小丹河內西渠九水口之田俱由董下渠分水灌溉兩渠各建分水渠口一個其東西兩渠仍照

欽差會議各開一渠計長二十二里各寬六尺需民田

七十八畝三分向民價買挑挖至小丹河開口
仍照舊不動而小丹河內東西分灌民田之十
六口門並皆堵塞俾小丹河之水盡入衛河濟
運於漕船更有裨益經部議覆將小丹河開口
照舊不動惟開寬秦董二渠口門堵塞小丹河
內分灌民田之十六口門應令該撫並副總河
作速估計開挖乾隆二年工部侍郎趙殿最等
勘視請於館陶立一水則以驗彰衛之淺深臨
清立一水則驗汶衛之淺深每歲豫省遣員勘

竇如果東省運河暢流之年應酌議通融便民
再如臨清以北重運已過不必拘定五六月
卽宜將官用餘潤波及羣生請於百泉官渠口
門內再製一層閘板將官閘上板小丹河原有
石閘亦將官閘上板使水分濟東西民渠洹河
東石洞之外再酌予數洞以濟灌溉如東省運
河平流之年及臨清以北重運未過之日則將
百泉小丹河官閘悉行撤開濟運洹河石洞之
外不許再增如東省運河澇流之年除百泉官

開去板外再於東西民閘酌議輪流啟板濟運
洹河東石洞之內再酌量封禁小丹河東西民
渠亦應堵塞其口但藉此汲飲未便封閉其上
有竹絡壩一處亦應免其封閉至漕船回空卽
或遇有淺阻飭令山東管河道測量水則飛檄
豫省酌議啟板至東省暢流平流澀流之年俱
視水則記號爲準其期則俟漕船將抵臨清之
候爲率部議應如所奏在於館陶臨清二處各
立一水則每歲豫省派委賢能之員會同山東

管河道於漕船將抵臨清之際將運河小勢或
係暢流平流澀流之處驗看確實以便將百泉
等處渠閘隨時啟閉庶蓄洩得宜於漕運民田
均有裨益至漕運需水之時該管河道尤當加
謹查察倘有私自啟板及挑挖等弊卽行詳報
該督撫嚴拏治罪官吏失察賄縱該督撫訪查
確實亦卽照例叅革究治乾隆三年河道總督
白鍾山疏稱侍郎趙殿最等原奏館陶臨清立
一水則以爲平準惟查水則之淺深可定泉源

之強弱難必衛河水勢情形大約漕船將抵臨
清之候正在三四月其時天晴日燥源微流
弱澀流居冬平流殊少暢流則數年不能一遇
以臣愚見水則竟可不立如雨水調勻之年運
河水勢尙可足用卽將百泉等處渠閘照舊官
民分用如遇雨澤愆期河水淺澀則將民渠民
閘酌量暫閉以濟漕運若遇重運經臨之時河
水充暢或漕船早過臨清民田尙需灌溉則官
渠官閘亦卽酌量下板緊閉以灌民田總令東

省管河道及上河通判豫省河北道及衛河通判不時查看水勢彼此關照相機啟閉務使漕運民田兩利無害工部覆准遵行乾隆二十四年總漕楊錫紱因重運已出臨清衛河水澀行走維艱奏請令河南撫臣疏濬泉源酌閉民渠全啟官閘以利運行經河撫胡寶瑑奏請將民間渠閘全行堵閉奉

上諭據胡寶瑑奏將衛河民間渠閘洞口全行堵閉俾河流歸注下流以濟漕運候正流充足再行照例分

啟等語現在漕艘已過濟寧正資衛水浮送蓄水濟
運固屬因時酌辦之法但豫省河南各屬得雨已經
充足其河北一帶雖節次得雨數寸民間尙不無需
水灌田之處若將渠閘洞口全行堵閉恐農民不能
接濟亦關緊要著傳諭張師載楊錫紱胡寶璣等公
同酌量但使漕艘自臨清以北足以資送天津不致
淺阻則民間渠洞亦須酌爲開放俾暢正流以濟運
而旁分餘水以潤田總在該督撫等彼此咨會審度
水勢情形妥協調劑一面辦理一面奏聞務使漕運

民田均有裨益欽此嗣經會奏將封閉之民渠民閘三日之內閉兩日以濟運開一日以灌田俟尾幫全過德州卽飛咨豫省全啟如先得大雨衛河增長亦卽咨會全啟乾隆二十四年總河張師載河撫胡寶琬奏臣等前赴新鄉輝縣等縣查勘衛河情形查得山東諸水漕農交賴者有三一曰小丹河乃衛河迤西之支流一曰百泉乃衛河發源之正派一曰洹河乃衛河迤北之分支三路分洩均入衛河其流似衆然在春水

未長則涓涓泉流易致微弱倘雨澤少稀則泉
流更細而南漕北行正值需水灌輸之時是以
今春之籌畫接濟時患水少者此其明驗也臣
等伏思衛河之水全賴泉源泉流之衰旺不常
惟在人功調劑以收利益則水源雖有多寡之
不同而接濟必期旱澇之有備臣等徧歷各泉
正值秋霖霽沛山水灌發之時隨細詢土著鄉
民覈其分支合流之處逐一誌記今查得清化
鎮之九道堰上承上清下清等渠之水歸入小

丹河引丹歸衛以濟漕運但丹河尾閘與沁河
毗連水勢就下一至盛旺悉歸沁河自應撙節
來源以裕水道臣等於丹沁毗接之處相度形
勢如建滾水石壩不特工費浩繁且恐丹河不
能容納則瀰漫四出必至浸及民田如任聽洩
入沁河則源少流弱難資灌輸臣等公同等畫
於竹絡壩下附近沁河之處酌建土壩一道如
遇順軌之水則匯注丹河不使旁洩倘值盛漲
卽任其漫壩歸沁無虞外溢俟水退之後每年

令地方官督率民夫將該壩歲加修築工竣之後呈報勘驗則丹河之來源自裕矣至於百泉則在輝縣之西舊設仁義禮智信五閘嗣後年久仁義兩閘已廢經侍郎臣何國宗改建斗門三座亦照迤下三閘中爲官渠兩旁爲民渠向例於重運抵臨之時封閉民間渠閘使官渠之水暢洩入衛俟五月以後民間插秧需水仍二日濟運一日灌田互相啟閉六七月間聽民自便但運道民田均關緊要如果泉源疏浚水勢

充盈原不必拘守成規概行封閉統俟來春重
運經行察看衛河水勢如封閉民間渠閘衛水
日增仍可循官二民一之定期應於其時飭令
河北道督率地方官弁審度形勢酌籌啟閉毋
許民間私爲啟洩則百泉之挹注亦充矣洹河
發源於青龍河其流亦歸衛河向有南中北三
萬金渠今俱乾涸惟洹河清流經年不絕若山
水暴漲該河每易沙淤不能暢流入衛應飭地
方官循照舊例隨時疏濬則洹河亦資挹注矣

總之衛河之水全賴泉流如湯河淇河蒼河新
惠永通伏道等河均可匯流入衛但山水性猛
動挾泥沙水旺之時一望汗漫迨至稍退卽行
淤墊臣等已面飭河北道於春季水生之時帶
同廳汛各員逐一查勘凡有泉眼壅塞河身淤
墊及豐草盤結有礙泉源之處逐一誌記地名
卽飭地方官督率民夫上緊挑挖芟夷並將疏
濬各泉造具清冊呈送臣等衙門查覈如廳汛
各官查勘率混及地方官督夫不力視爲具文

卽令該道據實揭報以憑叅究則泉務既定章程司守均知警惕自可收濟運利民之實益矣
奉

硃批甚好知道了欽此乾隆二十五年河撫胡寶瑑以衛河自汲縣以至大名縣計四百餘里河身多係流沙而濬縣之三官廟老鸛嘴又多沙礮石塊河底高低不平必須淺處疏之使深石處束之使緩奏請動項興挑奉

上諭胡寶瑑奏衛河建壩挑沙以利漕運所需銀兩照

例於鹽規銀內動支一摺衛河係漕運所經卽有淤淺處所自當照例疏築以裨實用况胡寶琮辦理地方水利自必實心經理不肯爲屬員慫恿浮冒但向來有司陋習率以多辦歲修工程有事爲樂摺內所稱嗣後每年照此辦理之處則不可不及今酌定章程示之限制蓋前此數十年來未經挑濬漕運亦無甚阻礙其非必須每年興工已可概見今或以相隔年久悉心相度修治舊日淤墊一清向後或三年一小修或五年一大修至及期鳩工專派道府大員覈

實督修責令立限保固如有侵蝕按例著賠庶屬員不致滋弊而運道得以深通著傳諭胡寶琮令其逐一確查妥議具奏欽此經河撫奏准欽遵

諭旨定以三年一小修五年一大修如當大修小修之年適遇運河水大無庸挑修仍行停止畱俟下年相機辦理其所修銀兩逐加覈實報銷此後既按定年限修治自不致大有淤墊需費無多其有應減辦者仍臨時覈算以節糜費凡工竣之後卽令照例具結保固如未至年限卽有淤

阻者責令承辦之員賠修以專責成至於鳩工
稽查最爲緊要查運道係糧道專管應請凡遇
小修大修之年均令糧道督修并該管各府分
行督率沿河各縣會同河員辦理務令覈實報
銷倘各縣承辦不實及有侵蝕等弊該道府卽
行揭報題叅如各上司失於查察一併議處乾
隆三十年河撫阿思哈奏准豫省衛河係漕糧
運道自水次至出境計程四百餘里流沙壅積
在在淺阻最盛者則濬縣之三官廟老鸛嘴等

處名十八里溜爲善化山山根石柱砂礪挺踞
河心水底重船經過尤易疎虞從前河撫諸臣
勘題於衛河上下建築草壩二十六座以束水
勢行之日久因循未修迨乾隆二十五年前撫
臣胡寶琮議請照東省運河挑淺之法每年逐
一疏挖仍於淺水處所建築草壩并欽遵

諭旨定爲三年一小修五年一大修在案臣到任以來
據沿河州縣以疏築未見成效漕運仍屬艱阻
紛紛稟陳查運河發源於輝縣之百泉南注三

十里至新鄉縣之岔河尖與丹水合流又一百
五十里繞衛輝城北爲兌漕水次又東北至濬
縣會淇水而達湯陰內黃界受湯河洹河二水
迤邐至直隸大名縣張兒庄出境下入臨清河
原議於水下游淺處建築草壩以期束水濟運
但夏秋水漲之際河勢汪洋無需草壩一交冬
令來源旣澀支派甚微而糧船於十月內正屆
兌開之時水落沙停逐節淺阻雖有草壩亦屬
無益今計疏通之道不若於上游來源之處先

期蓄水不令散流臨時開放較爲得宜但考之
舊定章程以各河之水兼濟民田是以有官渠
民渠之別水旣分注蓄洩無時似未酌其緩急
夫民田需水多在春夏之間漕船起運則在冬
初之月爲時本自不同當漕船開行農工已竣
民田不需灌溉正可協濟重運以收挹彼注茲
之效臣現飭該府縣督令管河各官於九月望
後起至漕船出境止將衛河以上一切民渠支
港堵閉使水盡歸官渠一面將官渠下尾之閘

下板渚水候糧艘開行之日啟板放水俾衆流
匯合水到船行則涓滴皆歸有用重運自可疏
通嗣後每年官爲經管所有原奏建築草壩之
處糜費無當應請停止至濬縣十八里溜之三
官廟老鵲嘴等處石柱砂礮最爲妨礙經臣諭
令該縣知縣吳振域設法開鑿適該邑鹽商以
其阻礙鹽船情願捐資辦理該令實力督率將
十八里溜中頑石山根雇夫用力盡行鑿去現
已溜勢直下河流寬闊所費有限積患頓除無

不咸稱利便將來糧船經過可以順流直下可
免疏虞其餘逐段浮沙旋挑旋積應仍照舊章
程於八九月間飭印沅等官集夫刨挖再用混
江龍刮板器具隨船疏濬使沙隨水盪以利通
行

一道光二十六年欽奉

上諭楊殿邦奏衛河水淺請飭令挑撈等語衛河向易
淺阻據稱現在存水過淺卽漕船全數起撥尙難浮
送東境各湖存水均屬無多難資接濟亟應趕緊挑

卷之三
三
濬以利漕行著河東河道總督山東巡撫迅飭該管
道廳州縣務將河道淺澀之處撈挖深通一面疏濬
泉源收蓄湖水毋稍遲誤免致臨時阻滯重干咎戾
欽此